



**REPUBLIKA E SHQIPËRISË
BASHKIA KAMËZ
DREJTORIA E MEDIAS**

PROCESVERBAL

**I KONSULTIMIT PUBLIK PËR MIRATIMIN E PROGRAMIT BUXHETOR
AFATMESËM 2027-2029 DHE DETAJIMIN E BUXHETIT TË BASHKISË KAMËZ
PËR VITIN 2027.**

I mbajtur më 10.09.2026, në orën 19:00, në dëgjese me banorët e Lagjes Administrative Bathore, në lidhje me konsultimin e Programit Buxhetor Afatmesëm 2027-2029 dhe Detajimin e Buxhetit për vitin 2027, për Bashkinë Kamëz.
Takimi u zhvillua në Pedonalen e Bathores.

Të pranishëm në takim:

- Kryetari i Bashkisë Kamëz, z. Rakip Suli;
- Drejtuesi Politik i Qarkut Tiranë, z.Taulant Balla;
- Kryetari i Këshillit Bashkiak Kamëz, z. Hysen Koldashi;
- Administratori i Lagjes Administrative Bathore, z. Afrim Doçi;
- Antarë të Këshillit Bashkiak Kamëz;
- Ndërlidhsit me Komunitetin;
- Banorë të zonës.

Takimin e hapi Kryetari i Bashkisë Kamëz, zoti Rakip Suli, i cili falënderoi të pranishmit për pjesëmarrjen dhe Drejtuesin Politik të Qarkut Tiranë, z.Taulant Ballen për praninë dhe mbështetjen e vazhdueshme.

Gjatë fjalës së tij, z. Suli u ndal te investimet publike, prioritetet e Bashkisë Kamëz dhe rëndësia e arsimit për zhvillimin e komunitetit. Në vijim, ai u shpreh: “Me mbështetjen e Kryeministrit Edi Rama, e mora këtë detyrë si një mision: të tregojmë se si mund të implementohet më së miri “Rilindja Urbane” dhe se si investimet publike mund të sjellin ndryshim të drejtpërdrejtë në jetën e qytetarëve. Një nga prioritetet e mia të para ishte arsimi, sepse investimi te fëmijët dhe te shkollat është investim te e ardhmja e komunitetit,” u shpreh z.Suli.

Duke u ndalur te transformimi i Bathores dhe ndikimi i investimeve publike në jetën e qytetarëve, Kryetari i Bashkisë Kamëz, Rakip Suli, u shpreh: “Dikur qytetarët kërkonin një rrugë dhe kishte zona ku edhe koncepti i një pedonaleje dukej i pamundur. Në Bathore, aty ku dikur kishte kanal, sot kemi një pedonale dhe investime të reja. Këto investime kanë ndikuar jo vetëm në përmirësimin e cilësisë së jetesës dhe sigurisë, por edhe në rritjen e vlerës së pronës. Ky është transformimi që sjell investimi publik kur bëhet me vizion dhe përgjegjësi. Vota nuk është thjesht një ditë në kutinë e votimit, por përgjegjësi e pushtetit vendor, por edhe e pushtetit qendror, që besimi i qytetarëve të kthehet në investime konkrete, në zhvillim dhe në një jetë më të mirë për çdo qytetar. Ky është misioni ynë: të vazhdojmë të investojmë aty ku qytetarët kanë më shumë nevojë dhe të ndërtojmë një komunitet më të zhvilluar, më të sigurt dhe me më shumë mundësi për të gjithë,” theksoi Kryetari Suli.

Më pas, Kryetari Suli u ndal te investimet e realizuara për periudhën 2019–2025, investimet në proces për vitin 2026 dhe projektboxheti për vitin 2027.

❖ **Investimet e realizuara gjatë periudhës 2019–2025**

➤ **Arsimi**

Janë ndërtuar nga e para dhe rikonstruktuar 43 objekte arsimore, konkretisht:

- 19 shkolla;
- 17 kopshte;
- 7 çerdhe;
- 5,900 fëmijë në kopshte dhe çerdhe.

➤ **Infrastrukturë rrugore**

Infrastruktura rrugore e përfunduar për periudhën 2019-2025 përfshin 304 km rrugë:

- Në Njësinë Administrative Paskuqan të përfunduar 101.5 km rrugë;
- Në Lagjen Administrative Bathore të përfunduar 73 km;
- Në Lagjen Administrative Laknas–Valias të përfunduar 69.9 km;
- Në Lagjen Administrative Nr.2 të përfunduar 59.7 km.

➤ **Ndriçimi publik**

Janë përfunduar 286 km rrjet ndriçimi publik.

➤ **Ujësjellësi**

Mbulimi me rrjetin e ujësjellësit ka arritur në 95% në territorin e Bashkisë Kamëz:

- Në Njësinë Administrative Paskuqan mbulim 100%;
- Në Lagjen Administrative Bathore mbulim 100%;
- Në Lagjen Administrative Nr. 2 mbulim 100%;
- Në Lagjen Administrative Nr.1 mbulim 95%.

➤ Kanalizimet

Mbulimi me rrjetin e kanalizimeve ka arritur në 95%.

➤ Strehëza e Qenve

Janë krijuar dhe funksionojnë strehëzat për qentë, si pjesë e shërbimeve dhe menaxhimit të kafshëve endacake.

➤ Pastrimi i qytetit

Nga data 28 mars 2024, shërbimi i pastrimit të qytetit menaxhohet nga Bashkia.

- 18 mjete për pastrim;
- 290 pika grumbullimi të mbetjeve .

➤ Shërbimi zjarrfikës

- Ndërtimin e stacionit zjarrfikës;
- 5 mjete zjarrfikëse;
- Blerjen e uniformave për personelin;
- Janë dëshmërblyer nga bashkia të gjitha familjet të cilave u është djegur shtëpia.

➤ Transporti Publik Urban

Është zhvilluar dhe përmirësuar shërbimi i Transportit Publik Urban, me synim rritjen e cilësisë dhe aksesueshmërisë së transportit për qytetarët.

➤ Sinjalistika rrugore

Janë realizuar investime në sinjalistikën rrugore, me qëllim rritjen e sigurisë dhe orientimit në rrugët e qytetit.

- Vendosja e semaforve .

➤ 4 projekte banesash të miratuara nga Bashkia Kamëz:

- Modeli 1+1, me sipërfaqe 66.1m²;
- Modeli 2+1, me sipërfaqe 95 m²;
- Modeli 3+1, me sipërfaqe 104.5 m²;
- Modeli 3+1, me sipërfaqe 109.8 m².

➤ Rindërtimi Valias

- 19 Pallate;
- 270 apartamente;
- Rindërtimi nga tërmeti: 426 banesa individuale.

➤ Rikonstrukimi i pallateve të vjetra 54 pallate, 831 familje përfituese

- Qendër Kamëz, 32 pallate/ 490 familje përfitues;
- Babrru Qendër, 16 pallate/ 250 familje përfituese;
- Paskuqan, 2 pallate/22 familje përfituese;
- Laknas, 4 pallate/69 familje përfituese.

➤ Hapësirat publike

Në kuadër të përmirësimit të cilësisë së jetës dhe krijimit të hapësirave të reja rekreative, janë krijuar dhe rehabilituar 103 hektarë hapësira publike.

Parku i Liqenit të Paskuqanit

Një nga investimet kryesore është Parku i Liqenit të Paskuqanit, me një sipërfaqe prej 84 hektarësh, i cili përfshin:

- 5.1 km pedonale;
- 2 zona parkimi;
- Pemë të mbjellura 152.000 mijë;
- Amfiteatrin;
- Mol;
- Shkallë panoramike.

Pedonalja e Frutikulturës

- Gjatësi: 1.3 km;
- Sipërfaqe: 7,350 m².

Pedonalja e Bathores

- Gjatësi: 1 km;
- Sipërfaqe: 7,000 m²;

Stadiumi i Valiasit

- Fushë sportive;
- Parking.

➤ Ndërtimi i Urës së Paskuqanit

➤ Të rinjtë

- 2,028 bursa ekselence;
- 173 ekiye sportive, me rreth 3,500 të rinj të përfshirë;
- Panairi i Librit “Kamza Lexon”;
- Klubi i Librit;
- Konkurse kulturore për të rinjtë;
- Këshilli Rinor;
- Karta e Studentit;
- Abone për studentët.

❖ Investime në proces për vitin 2026

➤ Infrastruktur rrugore në proces 100.8 km, 475 rrugë

- Paskuqan, 40 km;
- Bathore 6.8 km;
- Laknas-Valias 21 km;
- Lagjja Administrative Nr 2, 33 km.

➤ Ndriçim në proces 95km.

➤ Objekte arsimore që hapen në shtator 2026

- Gjimnazi “Sulejman Elezi”;
- Shkolla “Murat Toptani”;
- Kopshti “Montessori”.

➤ Përfundon ndërtimi i godinës së Bashkisë Kamëz:

- Siperfaqe 14.555 m²;
- Objekt 3 katësh.
- Parkim nëntokësor.

❖ **Politikat ekonomike sociale për vitin 2027**

- 363 familje përfitojnë bonus qiraje si të pastrehë – 108,900,000 lekë;
- 208 familje të prekura nga projekti i Unazës së Madhe – 55.320.000 lekë;
- Fëmijët me status jetimi – 5,000 lekë/muaj;
- Të moshuarit e vetmuar – 5,000 lekë/muaj;
- Trajtim për familje me problematika ekonomike dhe sociale nga buzheti i Bashkisë – 27.000.000 lekë;
- 530 fëmijë të familjeve në nevojë përfitojnë ushqim falas në çerdhe dhe kopshte;
- 85 fëmijë trajtohen në Qendrën Multifunktionale;
- 84 persona me aftësi të kufizuara përfitojnë shërbim lëvizës në banesë (logopedi, fizioterapi, psikologji);
- 60 familje përfitojnë kredi të buta;
- 42 familje përfitojnë nga programi i përmirësimit të banesave – 46.000.000 Lekë.

➤ 500 përfitues nga shërbimi lëvizës.

❖ **Investimet e planifikuara për vitin 2027:**

➤ Infrastruktur rrugore të planifikuara për vitin 2027 , 34.5km, 170 rrugë nga të cilat:

1. Riasfaltim 14.8 km;
2. Investim nga e para 20.7 km.
 - Paskuqan 7 km;
 - Bathore 5.5 km;
 - Laknas – Valias 17.2 km;
 - Lagjja Administrative nr.2, 4.8 km.

➤ Pedonalja Valias.

➤ Gjimnazi “Elez Isuf Ndreu” me siperfaqe 4095 m².

➤ Ura në Paskuqan 2, e cila mundëson hyrje-daljen në Unazën e Madhe.

➤ Projekti ujësjellësit të Bovillës së Vjetër.

Më pas, fjalën e mori z. Taulant Balla, Drejtues Politik i Qarkut Tiranë, i cili vlerësoi punën dhe angazhimin e Bashkisë Kamëz, si dhe transformimin e qytetit dhe veçanërisht të zonës së Bathores.

Gjatë fjalës së tij, z. Taulant Balla u shpreh:

“Ne kemi qeverisur në Kamëz me besim dhe me empati. Rritja e pjesëmarrjes së qytetarëve në takime është një tregues i rëndësishëm i këtij besimi dhe i punës së bërë. Rakipi ka treguar angazhim dhe përkushtim, duke e shoqëruar këtë me investime konkrete dhe përmirësim të shërbimeve për qytetarët.

Dikur këtu kishte kanale që ishin burim ndotjeje dhe sëmundjesh, ndërsa sot ato janë transformuar përmes investimeve dhe premtimeve të mbajtura. Dhe unë jua kam dhënë besën, ndërsa, fatmirësisht, besën time e kam të siguruar tek Edi Rama për çështjen e Ujësjellësit të Bovillës së Vjetër. Kamëza ka një ritëm të lartë rritjeje banorësh dhe kjo na detyron të planifikojmë jo vetëm për Kamzën e vitit 2030, por edhe për Kamzën e vitit 2050,” deklaroi, z. Balla.

Më pas, zoti Balla u ndal te ndryshimet e ndodhura në Bathore, duke theksuar se, për një kohë të gjatë, kjo zonë ka qenë objekt paragjykimesh. Ai vuri në dukje se, nga një zonë e konsideruar dikur e lënë pas dore, Bathorja sot është kthyer në një shembull të zhvillimit dhe të mundësive të reja për komunitetin.

Në përfundim të takimit, u falënderuan të gjithë pjesëmarrësit për praninë dhe kontributin e tyre. U theksua se Bashkia Kamëz mbetet e hapur dhe e angazhuar për të dëgjuar, adresuar dhe trajtuar në vijimësi shqetësimet dhe problematikat e qytetarëve.

Takimi u mbyll në orën 20:30

Bashkëngjitu fotot:





